

舊京  
志

通州志略

五

通州志略卷之十三

郡人楊行中纂輯

藝文志

古者文以載道，後世之文多紀事而已。然因文可以考事，即事可以觀風。是用紀之，爲藝文志。

文類

元文

改修慶豐石閘記

宋 聚

閘於字爲閉城門具，或曰以版有所蔽。近代水監官厨之，以時蓄泄，因水行舟。世祖皇帝至元二十有二年，前昭文館大學士知大夫院領都水

監事臣郭守敬圖水利，奏昌平之白浮村導神山泉、西山水，合馬眼泉諸水爲渠，曰通惠河。貫京城，迤邐出南水門，過通州，抵高麗莊之閘，爲里二百。視地形創爲閘，附岸壁及底皆用木。凡二十四，慶豐其一也。

後二十年，當至大四年，諸閘寢腐。宰相請以石易，爲萬世利。且請度緩急後先作則工不迫，工不迫則周且固。仁廟敕准，有司以次第舉。由是，至順元年，始及慶豐，遂役都水少監王溫臣率其屬，分督程作，董役士卒暨土木金石之工，集

有五百五十。輸木萬章，鐵以鈞計，凡八百有奇。石材三阡二百。瓴甃灰槁他物每算。築其縱長百二十尺三分長之二爲衡，廣高二丈二寸，濶容二丈二尺。經始於是年三月之望，粵六月十五日告成。繩規中度，完好緻密，公私善之。

明年春，監丞何禮、張宗顏述是後之爲日久近，聞之喬卑長廣，靡費物料幾何，創始改作之緒，及工之勒利之美，求職以文。予復之曰：「此世祖開物成務群策畢舉也。仁廟克成先烈，措注宏遠，功不百倍不改作也。臣下莫不奉行惟

謹，此事理之著者也。記是誠宜，然予疑是闡之始命名爲役，與創始之歲果豐歟，或示微意於後世歟？惜莫可得而知，何也？聞非事游觀。蓋經營國計，民俯仰以給者，猶必待豐而後作，矧他役乎？抑果作於豐年，則後不敢妄興，民不敢苟勞，財不敢徒費，章章矣。」因其役并原其名，是爲記。

中書右丞相領都水監政績碑

歐陽玄

中書右丞相定住公自居平章首席，既而升左相，又升右相，被命領都水監事。至正癸巳之正

月，迄今數年之中，浚治舊規，抑塞新弊，水政大修。

都水監長二賓佐共具實迹，請于翰林歐陽玄，文其事於石，以貽後世。玄曰：「丞相上佐天子，下理百官，日綜萬幾。朝野政務，莫非相業所經綸也，奚獨於水政而紀述乎？」其長二賓佐進曰：「我國家之置都水也，始於世祖皇帝至元二十八年之辛卯，丞相完澤實倡其端。當時聖君賢相，爲慮甚周，爲制甚密。導昌平白浮之水西流，循西山之麓，會馬眼等諸泉，潴爲七里。東

流入自城西水門，匯積水潭。又東并宮牆，環大內之左，合金水河南流，東出自城東水門。又潞水之陽，南會白河。又南會直沽入海。凡二百里，是爲通惠河。置閘二十有四，跨諸閘之上，通京師內外經行之道，置橋百五十有六。閘以制蓄泄，橋以惠往來。乃即運糧提舉司車戶阡四百五十有一，隸監專治其事。閘與橋，初置以木。仁宗皇帝延祐中，易木以石，次第而械之。命閘戶學爲石工，木鐵煉堊，皆習其技，歲械一閘，工與費若干。有司會其凡而籍之，歲以爲常，約歲若

干。諸閘皆石，一切工役，取具閘戶，不擾而集。國計之不匱，民用之不乏，皆利賴焉。近年，有司擅以閘戶抑配，配各驛以給驛，至元延祐以來，祖宗之良法美意，日就蠹壞。今右丞相以聞。有旨復還郭士英若干戶，餘州縣之侵軼閘戶者，悉禁絕之。他戶有避徭役之類，仍因而亡者，咸復其舊。故得水利不隳，漕法不滯，有關國計民用甚重也。且通惠河之將入海也，衡漳貫之，溯漳西南，涉瀛博之野，南至於臨清堂邑之壩。過壩而南，爲會通河。盡豫兗青徐四州境上之水，入河



絕淮，至大江而止。二河相通，其爲水利博矣。有若京城西之金口，下視都邑，水勢如建瓴。一蟻穴之漏，則橫潰莫制。守堤吏與閘戶，晝夜分番邏視，不瞻，則借兵士於樞密，所係尤重。故水政之修，閘戶之復，丞相有功於斯其甚大。可無紀述乎？」

玄聞其言，乃考古而徵今。水在唐虞爲澤虞；在成周爲川衡；西漢太常、太司農、少府、內使、主爵都尉，皆置都水長二，武帝置水衡都尉，成帝置左右都水使者；東漢改置河堤謁

者；晉改都水臺，又置前後左右中五水衡，以五使者領之；劉宋置水衡令；蕭梁改爲大舟卿；宇文周置都水中大夫；隋置都水臺使者，尋復置監少監，又改令少令；唐沿革不一，或稱都水局，或稱司津監，或稱水衡監，或置使者，或置都尉；趙宋爲都水監，置判監、同判及丞、主簿等官，大抵掌川澤、津梁、渠堰、陂池之政，兼總舟航桴筏之算，就司其政以充用。故漢太常諸卿各有水衡，盡征其人給俸祿，所稱水衡錢是也。聖代捐國家之厚費，以利天下，而秋毫不征其資，

視古之都水，有不可同年而語者矣。且歷代建都，秦漢唐多都雍州，阻關陝之險，漕運極難，用水極少。其後有都洛陽、大梁，亦不過浚洛入汴，淪汝蔡入淮而已。

我元東至於海，西暨於河，南盡於江，北至大漠。水涓滴以上，皆爲我國家用。東南之粟，歲漕數百萬石，由海而至者，道通惠河以達。東南貢賦凡百，上供之物，歲億萬計，絕江淮河而至，道會通河以達。商貨懋遷，與夫民生日用之所須，不可悉數。二河溯沿南北，物貨或入或出，遍

天下者，猶不在是數。又自昆侖西南水入海者，繞出南詔之後，歷交趾、閩婆、真臘、占城、百粵之國，東南過流求、日本，東至三韓。遠人之名琛異寶，神馬奇產，航海而至，或逾年之程，皆由漕河以至闕下。斯又古今載籍之所未有者也。水政之重，可不以重臣領之乎？昔者舜舉十六相共治海內，禹治水土，益治川澤。今之水政，禹益皆嘗司之。然則重臣之典水政，唐虞以來之遺意也歟？玄職在太史，紀載爲宜。右丞相康里氏，定住其名。乃祖乃父，三世宿位，逮事列聖，篤於忠

貞。數從王師戰金八鄰，多積功伐，不妄俘戮，不希寵榮，有陰德餘慶施於後人。丞相踵之，揚歷臺閣三十餘年，清慎如一，熟知國家典章。及居台揆，雅量鎮浮，坐決大政，不徵辭色，百度自貞，有古大臣之風焉。來求文以紀其迹者，都水野素、達邇、段定僧、少監完澤、鐵睦爾、太平奴、薛徹篤、監丞鎖南滿、慈普化、沙刺贊卜、馬兒吉顏、經歷山山、知事祁師道云。

系以詩曰：國治水官，象天玄冥。都水有政，治國大經。於穆皇元，龍興朔方。秉令天一，

并牧八荒。乃據析津，乃建神州。囊括萬派，衡  
從其流。東浚白浮，遵彼西山。即是天漢，流畢  
昴間。西挹紫宮，南出皇畿。又東注海，萬派攸  
歸。東溟天池，若爲我滌。給我漕輓，徑達宸居。  
河濟淮江，陳若指掌。我鑿二渠，利盡穹壤。雖  
云盡利，我則不征。捐利利民，治水水平。維今  
右相，自董水政。舉措不煩，戶籍先正。昔命閘  
戶，習煨習礪。捷木胶堊，各程其藝。循甲及一，  
諸遍遍械。歲一修閘，衆藝畢來。制水有閘，通  
道有梁。息耗有則，啓閘有常。夫何閘戶，俾役

北齊書卷之十一  
道州元明  
卷之三  
三三

驛廐。是求善書，遽掣之肘。相君入告，開戶內  
復。每歲鳩功，群匠來族。水政既舉，國計以滋。  
都人日用，源委莫知。彼水在國，血脉在身。百  
體輸津，五官嗇神。相爲股肱，水利寔興。榮衛  
不凝，股肱宣能。維相君量，彭蠡太野。汪洋淵  
渟，安靜整暇。維相君力，底柱龍門。捍彼衝貴，  
國之樊垣。有力斯定，有量斯寬。燮調雍容，歲  
不溢乾。重華在位，禹益作相。庶工底績，百川  
是障。世皇浚渠，相曰完澤。身先水官，相彼原  
隰。洵美相君，海內稱賢。罔彼哲輔，專美於前。

陸府參事，治先乎水。玖叙惟歌，作者太史。太史作歌，載以龜趺。

### 國朝文

重修開平忠武王廟碑

太和王直吏部尚書。

正統十一年秋八月，通州守臣李經言：

「州城東南隅舊有廟，以祀開平忠武王常遇春。

蓋洪武三年奉敕建。每歲春秋，守臣以少牢行禮

庭下，載在祀典。今八十年矣。修治不繼，日入

於敝，懼無以稱朝廷崇德報功之意，請繕完如

法。」制曰：「可」。



命工部聚材鳩工，徹而新之。通州諸衛及州所屬縣，各以丁夫給役。且命總理通州諸務都指揮僉事陳信督之。命既下，文武吏士奉承唯謹，材不徵而集，工不召而至，智者效謀，壯者效力。作正殿，翼以兩廂，前啓三門，旁列厨庫。凡諸像設，靡不畢備。弘麗廣深，有加於昔。經始於九月己酉，而以明年四月成。

於是信來，請曰：「是役也宜有紀，願書而刻之麗牲之碑。」惟天生大有爲之君，必輔以不二心之臣。肆我太祖皇帝受命而興，王以忠信智